

VENDIMI ËSHTË I PLOTFUQISHËM
 ODLUKA JE PRAVNOSNAŽNA
 GJYKATA THEMELORE / OSNOVNI SUD NË EMËR TË POPULLIT
 FERIZAJ I UROSEVAC

Më
Data

15. 08. 2017

**GJYKATA THEMELORE NË FERIZAJ – DEPARTAMENTI I
 PËRGJITSHËM DIVIZIONI PENAL,** si gjykatë e shkallës së parë penale me gjyqtarin e

vetem gjykues Ilir Bytyqi si dhe me zyrtares ligjore Kadishe Shabani në lëndën penale kundër të pandehurve [REDACTED] e [REDACTED] veprën penale posedimi i paautorizuar i narkotikeve, substancave psikotrope ose analoge nga neni 275 par. 2 të KPRK-së, sipas aktakuzës PP/II nr.2479-1/2016 të datës 14.04.2017 në prezencën e Prokurorit të Shtetit Ismet Rrahmani, të akuzuarve [REDACTED] dhe [REDACTED] pas mbajtjes së shqyrtimit fillestar me date 14.06.2017 mori dhe publikisht shpalli, ndërsa me datë 20.06.2017 përpiloi me shkrim këtë:

AKT GJYKIM

Të akuzuarit:

1. [REDACTED] lindur me dt. [REDACTED] nga i ati [REDACTED] dhe nëna [REDACTED] e gjinisë [REDACTED] me vendbanim në [REDACTED] [REDACTED] Komuna [REDACTED] ka të kryer shkollën e mesme, student, i gjendjes së mesme ekonomike, shqiptar, shtetas i Republikës së Kosovës, me numër personal [REDACTED]
2. [REDACTED] i lindur me dt. [REDACTED], nga i ati [REDACTED] e nëna [REDACTED] e gjinisë [REDACTED] me vendbanim në rrugën [REDACTED] në [REDACTED] ka të kryer shkollën e mesme, i gjendjes së mesme ekonomike, shqiptar, shtetas i Republikës së Kosovës, me numër personal [REDACTED].

JANË FAJTOR

I pandehuri [REDACTED]

Se me datën 14.12.2016, rreth orës 00:19, afër rrethrotullimit të Nerodimes, i pandehuri me qëllim përdorimi, pa autorizim ka poseduar substanca narkotike, ashtu që

derisa i njëjti ishte duke lëvizur me veturën e tij te tipit [REDAKTUAR], ngjyrë hiri, me targa te regjistrimit [REDAKTUAR], është ndalur nga nje njësi patrulluese e policisë dhe gjate kontrollit i është gjetur një qese me substance narkotike të llojit kanabis (Marihuane), me peshe 0.74 gram, e cila sasi pas identifikimit nga policia eshte sekuestruar.

me të cilën ka kryer veprën penale posedimi i paautorizuar i narkotikeve, substancave psikotrope ose analoge nga neni 275 par. 2 të KPRK-së.

I pandehuri [REDAKTUAR]

Ne kohe dhe vend si ne piken I të dispozitivit të këtij aktgjykimi, i pandehuri me qëllim përdorimi, pa autorizim ka poseduar substanca narkotike, ashtu që derisa i njëjti ishte në veturën e tipit [REDAKTUAR], ngjyre [REDAKTUAR] me targa të regjistrimit [REDAKTUAR], të cilën e drejtonte i pandehuri [REDAKTUAR], gjate kontrolles nga një njësit patrulluese e policisë i është gjetur një cigare me substance narkotike te llojit kanabisi (Marihuanë), me peshe 0.32 gram, e cila sasi pas identifikimit nga policia është sekuestruar.

me të cilën ka kryer veprën penale përdorimi i paautorizuar i narkotikeve, substancave psikotrope ose analoge nga neni 275 par. 2 të KPRK-së.

Andaj, Gjykata në bazë të neneve 2, 4, 7, 8, 9, 10, 41, 46, dhe 73 e 74 të KPRK-së, dhe nenit 365 të KPPK-së, të akuzuarit i

G J Y K O N

1. Të pandehurin [REDAKTUAR],

DËNIM ME GJOBË, në shumë prej 300 € /treqindë euro/, të cilin gjobë është i obliguar ta paguani në afat prej 15 ditëve pas plotfuqishmërisë së këtij aktgjykimi.

2. Të pandehurin [REDAKTUAR]

DËNIM ME GJOBË, në shumë prej 200 € /dyqindë euro/, të cilin gjobë është i obliguar ta paguani në afat prej 15 ditëve pas plotfuqishmërisë së këtij aktgjykimi.

Në rast se të pandehurit nuk e paguajnë dënimin me gjobë në asnjë mënyrë, sipas nenit 46 par.3 të KPK-së, i njëjti dënim do t'i shndërrohet në dënim me burgim ashtu që për çdo 20 Euro, do t'i llogaritet një (1) ditë burgim.

Ne baze te nenit 275 par. 3 konfiskohen në mënyrë të substancat narkotike si në dispozitivin I dh II të këtij aktgjykimi.

Të pandehurit obligohen që në emër të shpenzimeve të paushallit gjyqësor të paguajne solidarisht shumën prej 40 € /katëdhjetë/, në afat prej 15 ditëve nga dita e plotfuqishmërisë së këtij aktgjykimi.

A r s y e t i m

Gjykata pasi studioi materialet e çështjes penale të paraqitur për gjykim, çmoi se çështja është në juridiksionin e saj dhe gjykimi i kësaj çështje penale duhet te realizohet përpara kësaj gjykate. Po kështu është në kompetencën lëndore dhe territoriale të kësaj gjykate, pasi vepra penale për te cilën është proceduar i pandehuri gjykohet nga gjyqtari individual.

PTH në Ferizaj me aktakuzën PP/II.nr.2479-1/2016 te dt. 14.04.2017, ka ngarkuar të akuzuarit [REDAKTUAR] dhe [REDAKTUAR] për veprën penale posedimi i paautorizuar i narkotikeve, substancave psikotrope ose analoge nga neni 275 paragrafi 2 të KPRK-së të KPRK-së, më tutje prokurori i shtetit mbeti në tërësi pranë aktit akuzues, duke kërkuar që i pandehuri të shpallet fajtor dhe ti shqiptohet sanksion penal i paraparë me ligj.

Gjykata duke vepruar sipas kësaj akuze caktoi dhe mbajti seancën e shqyrtimit fillestar me datë 14.06.2017, në të cilën shqyrtim gjyqësor: *i akuzuar [REDAKTUAR] është deklaruar fajtor për veprën për të cilën me ngarkon akuza sipas te gjitha pikave, kam qene me i ri dhe kam gabuar, lus gjykatën te me shqiptoj nje dënim sa me te but, mundësisht me gjobe dhe i premtoj qe ne te ardhmen nuk do te perseritet.*

I akuzuari [REDACTED] është deklaruar fajtor për veprën për të cilën me ngarkon akuza sipas të gjitha pikave të saj, lus gjykatën të me shqiptoj një dënim sa më të but, mundësisht me gjobe dhe i premtoj që në të ardhmen nuk do të përsëritet.

Prokurori i Shtetit Ismet Rrahmani duke shprehur mendimin e tij përkitazi me pranimin e fajësisë, ka vlerësuar se ekziston baza për pranimin e fajësisë së të akuzuarit, duke i propozuar Gjykatës që të akuzuarin ta shpall fajtor dhe të i shqipton dënim sipas ligjit.

Pasi që të akuzuari kanë pranuar fajësinë që në fillim të shqyrtimit gjyqësorë, Gjykata për të vlerësuar pranimin e fajësisë e duke pasur parasysh edhe mendimin e Prokurorit të Shtetit, shqyrtoi me kujdes faktet e parapara nga neni 248 par. 4 KPPK-së, edhe pas udhëzimit në kuptim të nenit 323 par. 2 të KPPK-së dhe me këtë rast vlerësoi se:

- i akuzuari ka kuptuar natyrën dhe pasojat e pranimin të fajit;
- pranimi është bërë vullnetarisht;
- pranimi i fajit mbështet në faktet dhe prova materiale të rastit konkret dhe atë me provat e paraqitura nga Prokurori i Shtetit përkatësisht mbrojtja e të akuzuarve në shqyrtimin fillestar, raporti i ekspertimit i Agjencise të Kosovës për Foreznike me numër AKF/2017-0172/2017-162 i datës 11.03.2017, vërtetimi mbi sekuestrimin e sendeve të datës 02.12.2016, fotografitë, si dhe provat tjera të cilat gjenden në shkresat e lendes si dhe deklaratat e të pandehurve;
- si dhe akuza nuk përmban asnjë shkelje të qartë ligjore ose gabime faktike.

- me qenë se i akuzuari ka pranuar fajësinë e cila është në përputhje me kriteret e përshkruara më lartë, andaj trupi gjykues konform nenit 248 paragrafit 4 të KPPK-së, ka vlerësuar se nuk është e nevojshme vërtetimi i ndonjë fakti relevant për shqiptimin e dënimit dhe për këtë arsye ka vazhduar me shqiptimin e dënimit, *(nëse i pandehuri në shqyrtimin fillestar pranon fajësinë dhe kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit pa plotësuar trupin gjykues dhe pa e mbajtur fare shqyrtimin gjyqësorë, lidhur me këtë shih mendimin juridik të Gjykatës Supreme të evidentuar si GJA.nr.207/13 të dt.19.03.2013).*

Gjykata pas administrimit të provave në shqyrtim fillestar publik dhe vlerësimit të tyre një nga një dhe në lidhje me provat e tjera, ku në bazë të vlerësimit të tillë

vërtetoi këtë gjendje të fakteve si në vijim për dispozitivin e I-rë: se me datën 14.12.2016, rreth orës 00:19, afër rrethrotullimit të Nerodimes, i pandehuri me qëllim përdorimi, pa autorizim ka poseduar substanca narkotike, ashtu që derisa i njëjti ishte duke lëvizur me veturën e tij të tipit [REDAKTUAR] ngjyrë [REDAKTUAR], me targa të regjistrimit [REDAKTUAR], është ndalur nga një njësi patrulluese e policisë dhe gjate kontrollit i është gjetur një qese me substance narkotike të llojit kanabis (Marihuane), me peshe 0.74 gram, e cila sasi pas identifikimit nga policia është sekuestruar, si dhe për dispozitivin e II-të: se me datën 14.12.2016, rreth orës 00:19, afër rrethrotullimit të Nerodimes, i pandehuri me qëllim përdorimi, pa autorizim ka poseduar substanca narkotike, ashtu që derisa i njëjti ishte në veturën e tipit [REDAKTUAR], ngjyrë [REDAKTUAR] me targa të regjistrimit [REDAKTUAR], të cilën e drejtonte i pandehuri [REDAKTUAR], gjate kontrolles nga një njësi patrulluese e policisë i është gjetur një cigare me substance narkotike të llojit kanabisi (Marihuanë), me peshe 0.32 gram, e cila sasi pas identifikimit nga policia është sekuestruar.

Vlerësuar nga aspekti juridik gjykata gjeti se në veprimet e të akuzuarve manifestohen të gjitha elementet objektive dhe subjektive të veprës penale për të pandehurit [REDAKTUAR] dhe [REDAKTUAR] për veprën penale përdorimi i paautorizuar i narkotikeve, substancave psikotrope ose analoge nga neni 275 paragrafi 2 të KPRK-së, të kryer në mënyrën dhe rrethanat e përshkruara si në dispozitivin I dhe II të këtij aktgjykimi.

Me rastin e caktimit të llojit dhe lartësisë së dënimit gjykata pati parasysh të gjitha rrethanat të cilat në kuptim të neni 73 dhe 74 të KPRK-së, ndikojnë në përcaktimin e llojit dhe lartësisë së dënimit. Gjkata ndaj të akuzuarve si rrethanë veçanërisht lehtësuese i mori parasysh pranimin e fajësisë, rrethana lehtësuese i morri premtimin se në të ardhmen nuk do të përsëritin vepra penale, nuk ka dëshmi se vërteton që janë gjykuar me vendim të formës së prerë, ndërsa në mungesë në mungesë të rrethanave veçanërisht rënduese Gjkata vlerësoj shkallën e përgjegjësisë penale për të pandehurve dhe rrezikshmërinë konkrete të veprës penale, mbi baze të këtyre rrethanave i shqiptoj dënimin me gjobë si në dispozitivin e këtij aktgjykimi.

Gjkata është e bindur se edhe me një dënim të tillë, duke marrë parasysh edhe faktin se i akuzuari në të gjitha fazat e procedurës penale ka bërë pranimin e fajësisë, do të arrihet qëllimi i përgjithshëm i dënimeve të paraparë në nenin 41 të KPRK-së, përkatësisht dënimi i shqiptuar është plotësisht i justifikueshëm, në përshtatje me rrethanat e kryerjes,

rrezikshmërinë e saj dhe të autorit të saj, që do të shërbej në parandalimin e kryesit nga kryerja e veprave penale në të ardhmen (preventiva speciale) si dhe do të arrihet qëllimi që ti përmbaj personat e tjerë nga kryerja e veprës penale (preventiva gjenerale).

Ne baze të nenit 275 paragrafi 3 të konfiskohen në mënyrë të përhershme substancat narkotike e llojit marihuan të përshkruar si në dispozitivin e I dhe II të këtij aktgjykimi.

Në bazë të nenit 450 dhe 451 të KPPK-së, obligohen të pandehurit që në emër të shpenzimeve të paushallit gjyqësore të paguajnë në mënyrë solidare shumën prej 40 € /katër dhjetë/, në afat prej 15 ditësh nga dita e plotfuqishmërisë së këtij aktgjykimi nën kërcënim të ekzekutimit me dhunë.

Në bazë të së theksuarës më lartë u vendos si në dispozitiv të këtij aktgjykimi.

GJYKATA THEMELORE NË FERIZAJ

P nr.983/2017, me datë 20.06.2017

Zyrtare ligjore
Kadishe Shabani

Gjyqtari: Ilir BYTYQI



KËSHILLA JURIDIKE: Kundër këtij aktgjykimi mund të ushtrohet ankesë në afat prej 15 ditëve, pas pranimit të kopjes me shkrim të kopjes me shkrim të këtij aktgjykimi, Gjykatës së Apelit në Prishtinë. Ankesa i dorëzohet Gjykatës Themelore në Ferizaj.